

ხელშეკრულება სახელმწიფო შესყიდვების შესახებ N568
(გამარტივებული ელექტრონული ტენდერი აუქციონის გარეშე №NAT170012821)
წინამდებარე ხელშეკრულება დაიდო 2017 წლის 29 ნოემბერს ქ. თბილისში.

ერთი მხრივ, შ.პ.ს. „მთის კურორტების განვითარების კომპანია“, შემდგომში „შემსყიდველი“, წარმოდგენილი დირექტორის მოადგილის ირაკლი ჟღენტის სახით და მეორე მხრივ, შ.პ.ს. „ტ ჯგუფი“, შემდგომში „მიმწოდებელი“, წარმოდგენილი დირექტორის მამუკა თოფურიას სახით ვდებთ ხელშეკრულებას მოქმედი კანონმდებლობის მიხედვით, შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. „შემსყიდველი“ უკვეთავს ხოლო „მიმწოდებელი“ იღებს ვალდებულებას, სხვადასხვა სახის საოჯახო ტექნიკის მიწოდებაზე, ფასების ცხრილისა (დანართი №1) და ტექნიკური მახასიათებლების (დანართი №2) შესაბამისად.
- 2.2. CPV- 39700000.

3. ხელშეკრულების ღირებულება

- 3.1 ხელშეკრულების ღირებულება შეადგენს 15694.00 (თხუთმერი ათას ექვსას ოთხმოცდათოთხმეტი ლარი და ნული თეთრი) ლარს.
- 3.2 ერთეულის ღირებულებები განსაზღვრულია ხელშეკრულების დანართი №1-ით.
- 3.3 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს საქონლის მიწოდებასთან.

4. მხარეთა უფლება-მოვალეობები

- 4.1. მიმწოდებელი ვალდებულია:
 - 4.1.1. უზრუნველყოს შემსყიდველისთვის სხვადასხვა სახის საოჯახო ტექნიკის მიწოდება, ფასების ცხრილისა (დანართი №1) და ტექნიკური მახასიათებლების (დანართი №2) შესაბამისად.
 - 4.1.2. მიაწოდოს შემსყიდველს მაღალი ხარისხის, ახალი საქონელი.
- 4.2. მიმწოდებელი უფლებამოსილია:
 - 4.2.1. მოსთხოვოს შემსყიდველს ხელშეკრულებით ნაკისრი ვალდებულებების შესრულება.
- 4.3. შემსყიდველი ვალდებულია:
 - 4.3.1. განახორციელოს წინამდებარე ხელშეკრულებით გათვალისწინებული მოთხოვნების დაცვით მიწოდებული საქონლის ღირებულების ანაზღაურება.
- 4.4. შემსყიდველი უფლებამოსილია:
 - 4.4.1. მიმწოდებლისგან მოითხოვოს საქონლის მიწოდება ხელშეკრულებით გათვალისწინებულ დროსა და ადგილას;
 - 4.4.2. შეამოწმოს მიწოდებული საქონლის ხარისხი.

- 4.4.3. მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. ხარისხი და გარანტია

- 5.1. მიმწოდებელი პასუხს აგებს საქონლის ხარისხზე, ხოლო შემსყიდველი უფლებამოსილია ჩაატაროს მიწოდებული საქონლის ხარისხის შემოწმება.
- 5.2. ხელშეკრულებით გათვალისწინებულ საქონელზე მოქმედებს გარანტია. საგარანტიო ვადა განსაზღვრულია ფასების ცხრილით (დანართი №1).

6. საქონლის მიწოდების ადგილი და ვადა

- 6.1. საქონლის მიწოდების ადგილი: ქ. თბილისი, კოსტავას 70, მე-3 სართული (შ.პ.ს. „მთის კურორტების განვითარების კომპანიის“ ოფისი).
- 6.2. ხელშეკრულებით გათვალისწინებული საქონლის მიწოდების ვადაა ხელშეკრულების გაფორმებიდან არაუმეტეს 10 (ათი) სამუშაო დღე.

7. მიღება-ჩაბარების წესი

- 7.1. წინამდებარე ხელშეკრულებით გათვალისწინებული საქონლის მიწოდების დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.
- 7.2. საქონელი ჩაითვლება მიწოდებულად მხოლოდ მხარეებს შორის მიღება-ჩაბარების აქტის გაფორმების შემდეგ.
- 7.3. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება მატერიალურ-ტექნიკური სამსახურის რეგიონული მიმართულების მენეჯერს დიმიტრი გალოგრეს.
- 7.4. მიმწოდებელი ვალდებულია შემსყიდველის მხრიდან მოთხოვნილი საქონლის მიწოდების დადასტურების და ანაზღაურების მიღების მიზნით შემსყიდველს წარმოუდგინოს შესაბამისი ფინანსური დოკუმენტაცია. ანგარიშსწორების სავალდებულო წინაპირობა მიღება-ჩაბარების აქტთან ერთად არის ანგარიშ-ფაქტურა (არსებობის შემთხვევაში).

8. ხელშეკრულებით ნაკისრი ვალდებულებების შესრულების ინსპექტირება

- 8.1. ხელშეკრულებით ნაკისრი ვალდებულებების შესრულების ინსპექტირებას განახორციელებს მატერიალურ-ტექნიკური სამსახურის რეგიონული მიმართულების მენეჯერი დიმიტრი გალოგრე.
- 8.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ანგარიშსწორების წესი

- 9.1. მიწოდებული საქონლის ანაზღაურება შესაძლებელია განხორციელდეს, როგორც მთლიანად ასევე ეტაპობრივად, ფაქტიურად მიწოდებული საქონლის შესაბამისად წინამდებარე ხელშეკრულების 7.4 პუნქტით გათვალისწინებული დოკუმენტაციის წარმოდგენიდან 10 სამუშაო დღის განმავლობაში.
- 9.2. ანგარიშსწორების ვალუტა: ლარი.
- 9.3. ანგარიშსწორების ფორმა: უნაღდო.

10. პასუხისმგებლობა ხელშეკრულების პირობების დარღვევისათვის

- 10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით;

- 10.2. ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობის, არაჯეროვანი შესრულების ან/და დაგვიანებით შესრულების შემთხვევაში გამოიყენება სანქციები, რომელთა ფორმა, ოდენობა, ამოქმედების პირობები განსაზღვრულია წინამდებარე ხელშეკრულებით.
- 10.3. მიმწოდებლის მიერ ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 5%-ის ოდენობით.
- 10.4. არაჯეროვნად შესრულებას წარმოადგენს უხარისხო საქონლის მიწოდება. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 10.5. პუნქტით განსაზღვრული შემთხვევისა.
- 10.5. მიმწოდებლის მიერ დაგვიანებით შესრულებას წარმოადგენს საქონლის წინამდებარე ხელშეკრულებით გათვალისწინებული მიწოდების ვადის დარღვევა, რისთვისაც შემსყიდველი უფლებამოსილია დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,2%-ის ოდენობით.
- 10.6. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს (10 კალენდარული დღე), შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 10.7. მიმწოდებლის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 10.8. პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

11. ფორს მაჟორი

- 11.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 11.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;
- 11.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. სადაო საკითხების გადაწყვეტა

- 12.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ხელშეკრულებაში ცვლილების შეტანა და ხელშეკრულების შეწყვეტა

- 13.1. ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, მხარეთა უფლებამოსილი წარმომადგენლების ხელმოწერით და წარმოადგენს ამ ხელშეკრულების განუყოფელ ნაწილს.
- 13.2. ხელშეკრულება შედგენილია ქართულ ენაზე, სამი თანაბარი იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).
- 13.3. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება

- საქართველოს კანონმდებლობით დადგენილი წესით. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.
- 13.4. ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
- 13.5. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისგან.
- 13.6. ხელშეკრულების შეწყვეტის გაფორმება ხდება შეთანხმების გზით, მაგრამ შეუთანხმებლობის შემთხვევაში მხარეებს უფლება აქვს გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.
- 13.7. შემსყიდველი უფლებამოსილია ვადამდე ცალმხრივად შეწყვიტოს ამ ხელშეკრულების მოქმედება, თუ:
- 13.7.1. მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);
 - 13.7.2. მიმწოდებლის მიმართ მიმდონარეობს გაკოტრების საქმე (მიუხედავად მისი დაწყების დროისა);
 - 13.7.3. მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულებით ჯეროვან შესრულებაზე;
 - 13.7.4. თუ მისთვის ცნობილი გახდება, რომ მიმწოდებლის მიერ მოწოდებული დოკუმენტები ყალბი აღმოჩნდება;
 - 13.7.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. ხელშეკრულების მოქმედების ვადა

- 14.1. ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 31 დეკემბრის ჩათვლით.

15. მხარეთა ხელმოწერები

შემსყიდველის მხრიდან:

შ.პ.ს. „მთის კურორტების განვითარების კომპანია“

მის: ქ. თბილისი, კოსტავას ქ. №70

ს.ს. „თბილისი ბანკი“

ბანკის კოდი: TBCBGE22

ა/ნ GE97TB7346636020100001

ს/კოდი 215 096 367

შ.პ.ს. „მთის კურორტების განვითარების კომპანიის“

დირექტორის მოადგილე:



ირაკლი ჟღენტო

მიმწოდებლის მხრიდან:

შ.პ.ს. „ტ ჯგუფი“

მის: : საქართველო, თბილისი, ძველი თბილისის რაიონი, სანკტ-პეტერბურგის ქ., N 10

ს.ს. „საქართველოს ბანკი“

ბანკის კოდი: BAGAGE22

ა/ნ GE18BG0000000158611200

ს/კოდი 404527632

შ.პ.ს. „ტ ჯგუფი“-ს

დირექტორი:



მამუკა თოფურია

2017 წლის 29 ნოემბრის №568 ხელშეკრულების დანართი №1
(ფასების ცხრილი)

№	საქონლის დასახელება და ძირითადი მახასიათებლები	რაოდენობა	ერთეულის ფასი	საერთო ღირებულება	ერთეულის ფასი დ.დ.გ-ს ჩათვლით	საერთო ღირებულება დ.დ.გ-ს ჩათვლით	საგარანტიო ვადა	წარმოშობის ქვეყანა და მწარმოებელი კომპანია
1	TESY CN03 250MIS კედელზე დასაკიდებელი ელექტრო გამათბობელი (კონვექტორი)- სიმძლავრე 2500W. მექანიკური კონტროლის ფუნქციით. მრავალსიხრიანი თერმოსტატით. გადახურებისას ავტომატური გათიშვის ფუნქცია. მარტივად დასამონტაჟებელი	76	140.00	10640.00	165.20	12555.20	1 წელი	ბულგარეთი TESY
2	ZILAN ZLN2128 გამათბობელი (ზეთის-11 სექციანი) სიმძლავრე 2300W. 220-240 v. რეკომენდირებული გასათბობი ფართი: 25 მ² მექანიკური მართვით. გათბობის 3 რეჟიმი. რეგულირებადი თერმოსტატით. გადახურებისგან დაცვა. კვების კაბელის საცავით. სახელური გადასადგილებლად. გორგოლაჭებიანი სადგამით.	4	100.00	400.00	118.00	472.00	1 წელი	ჩინეთი ZILAN
3	CALORIS JSG 24-12ET17 წყლის გამაცხელებელი გაზზე (12 ლიტრიანი)- მრავალფუნქციური დისპლეით. ანთების ტიპი- ავტომატური. სიმძლავრე 22 კვტ. ცხელი წყლის გამტარუნარიანობა-12 ლ/წთ. გაზის ხარჯი-3.0 მ³/სთ. წვის კამერის ტიპი-დახურული.	2	300.00	600.00	354.00	708.00	1 წელი	ჩინეთი CALORIS
4	BLUESKY მოდელი:FS1802 ჰაერის გამაგრილებელი („ვენტილიატორი“) იატაკზე დასადგმელი. მყარი სადგამით. სიმძლავრე: 50W. ფრთბის რაოდენობა-3. ჰაერის ნაკადი-2500 მ³/სთ. ბრუნვის და დახრის ფუნქციით. რეგულირებადი სიმაღლე. ფრთების მასალა-მეტალი.	4	70.00	280.00	82.60	330.40	1 წელი	ჩინეთი BLUESKY
5	ILITEK IL7040 მტვერსასრუტი (ავტომობილის). ხელის მტვერსასრუტი. კაბელის სიგრძე 5+/-2 მეტრი. ტევადობა 0.5 ლიტრი. სიმძლავრის რეგულირება- კორპუსზე.	1	60.00	60.00	70.80	70.80	1 წელი	ჩინეთი
6	TESY OPTIMA 50L წყლის გამაცხელებელი ავზი-50 ლიტრიანი. ტიპი:მოცულობითი. კედელზე დასამონტაჟებელი. ავზის მოცულობა- 50(ორმოცდაათი) ლიტრი. სიმძლავრე-1500W. შიდა დაფარვა-ემალის. წყლის ტემპერატურის მაჩვენებლით.	1	160.00	160.00	188.80	188.80	3 წელი	ბულგარეთი TESY
7	FRESH წყლის გამაცხელებელი ავზი-80 ლიტრიანი ტიპი:მოცულობითი. კედელზე დასამონტაჟებელი. ავზის მოცულობა-80(ოთხმოცი) ლიტრი. სიმძლავრე-1500W. შიდა დაფარვა-ემალის. წყლის ტემპერატურის მაჩვენებლით.	1	178.00	178.00	210.04	210.04	3 წელი	საქართველო Fresh

8	TESY OPTIMA 100L წყლის გამაცხელებელი ავზი-100 ლიტრიანი ტიპი:მოცულობითი. კედელზე დასამონტაჟებელი. ავზის მოცულობა-100(ასი) ლიტრი. სიმძლავრე- 1500W. შიდა დაფარვა-ემალის. წყლის ტემპერატურის მაჩვენებლით.	1	200.00	200.00	236.00	236.00	3 წელი	ბულგარეთი TESH
9	EUROLUX EU-EK2831 ელექტრო ჩაიდან- მოცულობა 1.8 ლიტრი, სიმძლავრე 2200W. ადულებისას ავტომატური გამორთვით, წყლის დონის მაჩვენებლით. ჩართვის ინდიკატორით. იოლად მოსახსნელი ორსაფეხურიანი ნადების საწინააღმდეგო ფილტრი. თავსახურის ჩამკეტი, გამაცხელებელი ელემენტის ტიპი:დახურული. 360 გრადუსით ბრუნვის შესაძლებლობა.	23	34.00	782.00	42.12	922.76	1 წელი	ჩინეთი Eurolux

შემსყიდველი:

შ.პ.ს. „მთის კურორტების განვითარების კომპანიის“

დირექტორის მოადგილე:

 ირაკლი ჟღენტი/

მიმწოდებელი:

შ.პ.ს „ტ ჯგუფი“-ს დირექტორი



 /მამუკა თოფური/

2017 წლის 29 ნოემბრის №568 ხელშეკრულების დანართი №2
(მოთხოვნილი საქონლის ტექნიკური მახასიათებლები)

№	დასახელება და ტექნიკური მახასიათებლები	რაოდ. ჯამური	CPV
1	კედელზე დასაკიდებელი ელექტრო გამათბობელი(კონვექტორი): სიმძლავრე 2500W. მექანიკური კონტროლის ფუნქციით. მრავალსიხშირიანი თერმოსტატით. გადახურებისას ავტომატური გათიშვის ფუნქცია. მარტივად დასამონტაჟებელი. გარანტია არანაკლებ 1(ერთი)წელი.	76 ცალი	39715220
2	გამათბობელი (ზეთის-11 სექციიანი): სიმძლავრე არანაკლებ 2300W. 220-240v. რეკომენდირებული გასათბობი ფართი:არანაკლებ 25 მ2 მექანიკური მართვით. გათბობის არანაკლებ 3 რეჟიმი. რეგულირებადი თერმოსტატით. გადახურებისგან დაცვა. კვების კაბელის საცავით. სახელური გადასადგილებლად. გორგოლაჭებიანი სადგამით. გარანტია არანაკლებ 1(ერთი)წელი.	4 ცალი	39715220
3	წყლის გამაცხელებელი გაზზე (12 ლიტრიანი): გამწვავი მილით. მრავალფუნქციური დისპლეით. ანთების ტიპი-ავტომატური. სიმძლავრე არანაკლებ 22 კვტ. ცხელი წყლის გამტარუნარიანობა -12 ლ/წთ. გაზის ხარჯი-არაუმეტეს 3.0 მ³/სთ. წყის კამერის ტიპი-დახურული. გარანტია არანაკლებ 1(ერთი)წელი.	2 ცალი	39715000
4	ჰაერის გამაგრილებელი("ვენტილიატორი"): იატაკზე დასადგმელი. მყარი სადგამით. სიმძლავრე:არანაკლებ 50W. ფრთების რაოდენობა-3 ცალი. სიჩქარეების რაოდენობა-არანაკლებ 3. ჰაერის ნაკადი-არანაკლებ 2500 მ³/სთ. ბრუნვის და დახრის ფუნქციით. რეგულირებადი სიმაღლე. ფრთების მასალა-მეტალი. გარანტია არანაკლებ 1(ერთი)წელი.	4 ცალი	39714100
5	მტვერსასრუტი(ავტომატი): ხელის მტვერსასრუტი. კაბელის სიგრძე-5 +/-2 მეტრი. ტევადობა- არანაკლებ 0.5 ლიტრი. სიმძლავრის რეგულირება-კორპუსზე. გარანტია არანაკლებ 1(ერთი)წელი.	1 ცალი	39713430
6	წყლის გამაცხელებელი ავზი-50 ლიტრიანი: ტიპი:მოცულობითი. კედელზე დასამონტაჟებელი. ავზის მოცულობა-50(ორმოცდაათი) ლიტრი. სიმძლავრე-არანაკლებ 1500 W. შიდა დაფარვა-ემალის. წყლის ტემპერატურის მაჩვენებლით. გარანტია-არანაკლებ 3 წელი.	1 ცალი	39715100

7	წყლის გამაცხელებელი ავზი-80 ლიტრიანი: ტიპი:მოცულობითი. კედელზე დასამონტაჟებელი. ავზის მოცულობა-80(ოთხმოცი) ლიტრი. სიმძლავრე-არანაკლებ 1500 W. შიდა დაფარვა-ემალის. წყლის ტემპერატურის მაჩვენებლით. გარანტია-არანაკლებ 3 წელი.	1 ცალი	39715100
8	წყლის გამაცხელებელი ავზი-100 ლიტრიანი: ტიპი:მოცულობითი. კედელზე დასამონტაჟებელი. ავზის მოცულობა-100(ასი) ლიტრი. სიმძლავრე-არანაკლებ 1500 W. შიდა დაფარვა-ემალის. წყლის ტემპერატურის მაჩვენებლით. გარანტია-არანაკლებ 3 წელი.	1 ცალი	39715100
9	ელექტრო ჩაიდან: მოცულობა არანაკლებ 1.5 ლიტრი-არაუმეტეს 2.0 ლიტრი, სიმძლავრე არანაკლებ 2200W-არაუმეტეს 2400 W ადუღებისას ავტომატური გამორთვით, წყლის დონის მაჩვენებლით. ჩართვის ინდიკატორით. იოლად მოსახსნელი ორსაფეხურიანი ნადების საწინააღმდეგო ფილტრი. თავსახურის ჩამკეტი, გამაცხელებელი ელემენტის ტიპი: დახურული. 360 გრადუსით ბრუნვის შესაძლებლობა. გარანტია არანაკლებ 1(ერთი) წელი.	23 ცალი	39715100

შენიშვნა:

- მოსაწოდებელი საქონელი უნდა იყოს ახალი.
- მოსაწოდებელი საქონელზე გარანტია უნდა ვრცელდებოდეს მიღება-ჩაბარების აქტის გაფორმების დღიდან ტექნიკურ დავალებაში მითითებული ვადების შესაბამისად. აღნიშნული ინფორმაცია უნდა დაფიქსირდეს ფასების ცხრილში.

ხელმოწერა

ბ.ა.



ხელმოწერა

ბ.ა.

